

Broj:01- 02/2-3080/24 SK/EP
Sarajevo, 13.01.2025. godine

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE
PREDSTAVNIČKI DOM

n/r gdn Dragan Mioković, predsjedavajući
n/r gdn Damir Nikšić, poslanik

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar Vlade FBiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		14-01-2025	
Org. jed.	Broj	Priloga	Vrijednost
05/1	-02-	668	124

Predmet: Odgovor na poslaničko pitanje, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-668/24 od 18.12.2024. godine i akt sekretara Vlade Federacije Bosne i Hercegovine, broj: 03-04-2005-3/2024 od 20.12.2024. godine

Poštovani,

Aktima broj i datum veze, Federalnom ministarstvu rada i socijalne politike dostavljeno je poslaničko pitanje koje je, na 16. redovnoj sjednici Predstavničkog doma Parlamenta Federacije BiH, održane 18.12.2024. godine, postavio Damir Nikšić, poslanik Predstavničkog doma Parlamenta Federacije BiH koje se odnosi na nesuklađenost kantonalnih propisa sa Zakonom o zaštiti civilnih žrtava rata Federacije, te upit vezano za Nacrt Zakona o logorašima. U vezi sa navedenim, te u skladu sa nadležnostima ovog Ministarstva, dostavljamo sljedeće izjašnjenje:

U vezi dopisa Udruženja „Zaboravljena djeca rata“, koje traži očitovanje Parlamenta Federacije BiH o poduzetim aktivnostima po pitanju usklađivanja kantonalnih propisa sa Zakonom o zaštiti civilnih žrtava rata u Federaciji BiH, a Parlament Federacije BiH pita Vladu Federacije BiH šta po tom pitanju namjerava učiniti, odnosno ovo ministarstvo kao nadležni federalni organ za navedenu oblast, upućujemo na sljedeće: U skladu sa Ustavom Federacije BiH, socijalna zaštita, u okviru koje je regulirano i pitanje zaštite civilnih žrtava rata, u zajedničkoj je nadležnosti Federacije BiH i kantona. Zakonom o zaštiti civilnih žrtava rata u Federaciji BiH („Službene novine Federacije BiH“ broj 60/23), je tačno propisano za koja pitanja je odgovorna Federacija BiH, za koja kantoni, a za koja su zajedno odgovorni. Pitanje koje je postavljeno tiče se nadležnosti kantona. Zakonom nije utvrđen mandat Federacije da nadzire izvršavanje obaveza koje su propisane kantonima. U tom smislu ovo je pitanje za kantonalne skupštine i kantonalne vlade. Obzirom da je riječ o udruženju koje u ovom

ministarstvu imalo i uvijek će imati punu podršku u ostvarivanju svojih prava, obavještavamo vas da će se u okviru ministarske koordinacije pokrenuti ovo pitanje i poticati njegovo rješavanje.

U vezi pitanja koje se odnosi na izradu Nacrta zakona o logoraša, ističemo da Federalno ministarstvo rada i socijalne politike nije nadležno za uređivanje pitanja prava i položaja žrtava ratne torture, jer se radi o grupi građana čija su ljudska prava tokom rata u Bosni i Hercegovini bila ugrožena, te u tom smislu problematika se tiče resora pravde i ljudskih prava. U tom smislu Vlada Federacije BiH je na 21. sjednici održanoj 30.11.2023. godine donijela Rješenje o formiranju Interresorne radne grupe za izradu Prednacrtu zakona o logorašima (V. broj 1767/2023.), u čiji sastav su imenovani predstavnici Federalnog ministarstva pravde, Federalnog ministarstva za pitanja boraca i invalida odbrambeno-oslobodilačkog rata i Federalnog ministarstva rada i socijalne politike. Obzirom da je Federalno ministarstvo pravde nosilac izvršenja ovog zadatka, isto je nadležno i za davanje odgovora.

S poštovanjem,



Dostavljeno:

- Naslovu
- a/a